

四庫未收書輯刊編纂委員會編

四庫未收書輯刊

北京出版社

拾輯・貳拾柒冊

四庫未收書輯刊

四庫未收書輯刊編纂委員會編

北京出版社

拾輯・貳拾柒冊目錄

含薰詩三卷丹橘林詩二卷〔清〕吳楷撰

一

畫亭詩草十八卷詞草三卷〔清〕朱黼撰

五九

白蕤詩集十六卷附一卷〔清〕張開東撰

二二七

南垞詩鈔三卷〔清〕張秉彝撰

四九七

秋蟬吟草四卷〔清〕朱穎撰

五一五

留劍山莊初藁二十四卷〔清〕石卓槐撰

五七三

〔清〕吳楷撰

含薰詩三卷
橘林詩二卷
丹

清乾隆刻本

含薰詩

含薰詩序

詩以志爲體以感爲用故性情者主也而才學者其輔焉者也性情不正則所志者必不合於道而非才與學有以達之則感人也必不深昔吾夫子言詩蔽以無邪一言而又廣以興觀羣怨忠孝多識則詩之道盡矣吾人誦法孔子論詩其必以是爲準延陵一山伯子篤於孝友人無間言雖蕭然寒士而座上之客樽中之酒與古豪傑侔其卓犖奇偉有鳳皇翔于千仞下視塵世之槩此其性情志意爲何如而又經之以才緯之以學則其詩焉得而不工而感人者焉得而不深哉今觀其集如野鵲翻雲者有之如初日芙蓉者有之如屈注天潢者有之如瑚璉華貴鼎彝精瑩者有之而大旨歸於溫厚和平纏綿悱惻讀之可以油然而生孝弟之心焉是有合於孔子之言詩而豈僅爭奇於字句鬪麗於辭華區區分別漢魏三唐宋元之高下而奉以爲程者哉今以自訂詩如干首付諸剞劂名曰含薰烏庠幽蘭之香當其未吐不能無待於清風一山早蜚聲文學詩古文詞膾炙人口久揚

美譽名動 京師特以眷戀庭闈不欲遠去故目前尚家食耳今

聖天子方修雅樂告成功明堂清廟正資華國之才會當列上林植瑤堦清風披拂播其芬芳待之久而發之速矣沿雖老猶可拭目見之

乾隆十年乙丑孟冬朔嶺南同學弟徐沿拜序

含薰詩序

二

含薰詩

真州

喜晤殿撰王樓村

却呈并謝

髻毳坐家塾早知兩名士韓公為之前慕廬先生

斯繼起大名滿海內不獨江南矣伏讀開府編邱商

公宋江左十五子褒然為首者曰為先生是清詩振

大雅冥心追正始沁入人肝脾童稚亦心喜昨于

耆穀堂王耕菴姻丈家終日奉杖履老宦梳霜翎古華紛

含薰詩卷一

一

珠蕊神采特蒼秀喬松堪與比大慰夙昔懷不美

荀御李更喜翼日來方麴出袖底詩中勸學殷父

前譽兒美吾聞前輩人誘掖恒疊疊韓公宴仙掌

雄雉詩嘗紀余生雖太晚欣喜附驥尾舉首望青

雲託慕殊未已

書孝友傳後有序

戊戌冬十月家大人客雲間寄書一部曰孝

友傳誠楷及弟梅曰聖人教弟子以入孝出

弟為先務去年以孝經類解命汝兄弟潛心

觀玩今又得武林郭黎耆先生所輯孝友傳
畀汝兩人其朝夕從事母負父意楷拜受卒
讀敬識於後

孝爲百行原天地昭經義兄弟歌既翕惟孝乃有

自大哉聖人言孝經教萬世吾宗有廣文類解衆

美萃族人爾公名之驂秉鐸京江刻有孝經類解行世六經與羣史各向

章句綴流傳數十年後學多衣被夫子舉教楷未

敢藏篋笥每從誦讀餘時時搜載記今受孝友傳

頰首觀體製開卷始殷周末快迄元季煌煌廿四

含薰詩卷一

二

冊疊疊根本地竊嘗聞至行不習無不利事親與
從兄率性斯免戾古人安所仿當不假文字顧人
不加察發蒙良有爲矧夫自天子下及於無位爲
子無二理爲孝不一致所以十八章訓言有次第
有正更有變有巨亦有細不多識往行胡以觀大
備兄弟豈異人古昔三致意周書美君陳友于光
孝治管蔡播流言至德緒幾墜鳴鳩懷深情杜
發長喙克善兄弟間厥孝乃弗替叔世遠淳古乖
恩戕同氣友生情翻稠家人卦不筮有道爲此書

洵大有關繫人能望之趨周行得指示庸行予以
昭天倫當不愧弟聞廣文言孝不矜奇異求之徵
驗間青天障雲翳冰解而堇生魚躍而泉沸白兔
瓏間馴烏鳥霽際暎孝感固一端道弗尚祥瑞非
言必如此乃爲孝之至廣文爲此語說理益純粹
盟手讀是篇一一別凡例將爲通錯綜先與分部
類處常惟安貞處變尚調劑微驗不敢知血氣亦
弗貴願常恂恂如致謹出入際日以和順心盡此
弟子事阿弟少二齡天性殊淑懿行葦相與賡白

含薰詩卷一

三

華有同志堂堂陽春暉區區寸草麗家人有嚴君
報答幾時遂遑思人爵來天爵修尚未仰事嗟茫
茫撫躬彌惴惴薰香對簡編惶悚說孝弟

題汪舟次先生手書詩冊後冊爲令弟少文七丈所藏

我與先生本是親吾宗阿兄公令壻謂兄殿臣髫年側

聞使中山風儀修偉動

皇帝南風三日海波平天使竟從天上至君臣俯
首訝神奇匝地嵩呼歡輯瑞更仰光茫萬丈長人
人知重公文字一字何但直一縑什襲儼如寶宗

器我時尚未解聲詩得交令弟公久逝今日展卷
對公詩劍出豐城難逼視夙昔作字無定體此寫
魯公爭座位細筋入骨真秋鷹蛇蚓方之不合例
山聞詩篇繪人口斜行手鈔倍得意我嘗披讀虎
頭篇見雄雄齋詩推公久已洽夢寐虎氣騰上四字評
洵屬知言無與替當日競談初唐詩公獨樹幟不
黨比武夷九曲少人行劍南嗜好誰同志百尺梧
桐閣主人蛟門比部揚州二汪合鑿柄公文如韓亦如
蘇爲海爲潮盛氣勢喁喁綺窓兒女語羞澀豈止
三舍避馬周火色如公詩斯人自合當富貴鑄將
賈島終非佛公言疇曩非無謂見公京華詩惜余不及
接光儀展讀心遊發長喁雁行嘹唳入西風且同
令弟秋原醉

瑞芝歌爲洪丈維周作

江天同雲雪作花
檣船衝冷到人家丈居瓜洲一樹黃
梅枝叉了根有靈物騰光華似木非木石非石
駢枝層出大盈尺如日五色雀開屏如花偏反雲吐
葉言是前年盛夏生時庭戶都光晶主人開尊

我欲醉瞥見更使神豁清神清豈獨爲靈芝乃是
二子生絕奇阿九阿十纔髻齒臨風皎皎雙瓊枝
阿十眸子翦秋水阿九掌紋最可喜由此讀書飽
經術名位不知何所止大抵生祥必有以瑞芝之
瑞其在此舉酒一觴酌阿翁祥由人造天無功

初夏余丈葭白招同程泚江太史厲太鴻
孝廉陳授衣閔蓮峰同學讌集

草堂雨歇乍晴時櫻笋厨開高話宜花逕破烟緣
客到基聲向晚得杯遲張憑入座頭方黑荀淑歸

含薰詩卷一

五

來鬢已絲笑我忘年與良會好風同醉習家池
鐙前擊鉢韻同分李賀詩篇班馬薰謂葭白先生直以
聲牙常忤俗誰知老手本超羣小年如日黃鸝囀
大麥初秋紅藥芬擬共名流時作達載將樽酒更
論文

同陳授衣洪莢村郭秋泉家試功康山對
雨以應是雨催詩爲韻得是字

乘涼上康山雲碧如秋水修修清風來瓜果沁牙
齒向午風乍歇層雲濃墨滓城頭雨垂腳樹頂雷

轟耳急如翻盆來覆手疑如是我輩素心友舊雨
情無比一觴得閒趣五言伸短紙晚霞爭詩妍絢
爛飛羅綺照眼江上峰嵐翠落窓几未羨少陵翁
放船落日裏

汪鑑漪蘇宣四秋郊閒步同用陰字

輕雲如幕日常陰同向崑岡遂野尋聞得木犀解
禪悅試來泉水識秋心一泓乳色缸中螳萬籟風
聲松裏琴相約木芙蓉大放更來閒步暢清襟

康山對雪

舍薰詩卷一

六

如圍玉帶女牆寬約素重重塔影寒萬瓦模糊渾
白屋一天掩映失青巒同人髣髴偏能肖謂汪少文閱右
丈兩此日肝腸欲似難修撰風流應想見吟成白
雪倚闌干

舟過金山

揚子江頭秋水深遙看浮玉疊青岑蕭森老樹抱
山骨突兀孤峰凌水心小有樓臺成壯觀曾明炬
火發清吟今宵鐵甕城邊泊卧聽雲間鐘梵音

澹香樓贈日稽上人步樓邨先生韻

樓邨詩中久相見今日相逢不話禪且共梅花樓

上坐木犀香裏度秋天縹緗持贈殊太多師贈手抄漢魏

六朝詩二十冊評次極佳余無所用鼠飲河八十平頭師老矣

半生白腹我如何同載扁舟向花嶼楓葉初霜紅

滿樹大可高談引酒瓢偏嗜冥搜窮好句我詩豈

敵師詩工詩僧合交峨嵋翁當以樓村比坡老了

元相與振玄風晷短寒生羣動息明發歸帆路舊

識烟花三月清明天杖錫平山慰相憶

吳門喜晤趙秋谷先生却呈四首

舍薰詩卷一

七

方袍竹杖過蘇州名士爭趨百尺樓自具冶鑪嘉
後學不將姓字動諸侯青雲耳熟班揚侶越雪心
叨籍湜儔肯向高秋植桃李乘時願作閬風遊

玉宇神仙自不同家君在昔識山公屋頭夏設南

州榻先生曾主於家伯肝潤許麈尾時披大雅風一石留髡人

似玉萬言倚馬氣如虹笑余下駟承殊盼千里標

題襪襪中

命居磨竭是坡仙回首當時思惘然祇以文章慍

羣小遂令絲竹悞中年老於鷓鴣閣元非計家有龍

經况足傳文獻清時推碩果巍巍山左孰差肩

蕉竹蕭疎映板扉山堂小額寫凝暉凝暉書屋先生手題共

知碧落追松雪却憶黃昏對紫微老去詩篇秋隼

健年來心跡海鷗肥烏絲已界衡陽紙更乞先生

彩筆揮

八月十六同李坤四千人石對月

樹裏揚輝月正來岑苔淨掃共徘徊昨宵皎潔殊

今日一歲團圓得幾回往昔風流誇別墅祇今說

法剩高臺愛看此石無消長不共秋雲乍卷開

含薰詩卷一

八

賦得秋雨聞疎鐘懷鄭鵬戢蘇宣四

客睡何曾着疎鐘帶雨聞響微疑廷叩灑急似雲

紛景續秋聲賦心依日暮雲廣陵月正好曾榮詩殘月廣

鐘歸去共論文

九日業師馮觀察枉過寓齋奉陪登海湧

峰

華山頂上醉西風杜鵑爛熳高秋紅自昔神仙愛

重九吾師不放佳辰空侵曉蒼頭折柬至可中亭

上約扶筇爲采茱萸沽桑落寓齋灑掃迎花驄是

日晴朗無風雨遊人好遊如蟻蠶不減中秋踏明

月淡紅香白花柳濃况自先生持節至公時爲四府督糧觀

察官吏潔清年穀豐挾纊黔黎頌冬日登高小大

娛秋穹先生翛然雲際宿老友皆爲塵外蹤調沈丈似

笠畢丈式齋范丈果亭朱幡碧幢屏已遠跨階越磴不厭重

樞衣徑過千人石鞞履齊登海湧峰不知老至誇

濟勝回顧年少矜強雄更陟浮圖最高頂飄飄疑

入青霄中興來更下後山下黃雲萬頃開心胸天

香尚證山谷桂霜葉遙見吳江楓繾綣老僧傍空

含薰詩卷一

九

館詠歌新句撫長松棗餽食已茗椀罷梵聲漸歇

撞齋鐘迺尋前路迴展齒澹香樓畔話從容楷寓齋

看膾鱗魚紀四韻公食鱗而美之命楷卽席紀賦送來黃雀侑千

鍾適李坤四送黃雀至神仙何必羨往事卽今勝境無與同

茹芝父執皆難老啖蔗吾師不暇慵底用明年問

誰健都是商山百歲翁

同李丈乾三過姚平山寓齋

名士喜致客幽人促共車入門傲南面出筆法三

閭秋水芙蓉老西風鴻鴈初他鄉能卜夜吾不憶

吾廬

送謝丈向山家姪受亭之虞山看紅葉

時余

皆客
吳門

海湧峰頭梨赤垂虹橋畔橘丹更上竹扛兒子千
林三脊盤桓

絕類昌黎詠柿還如潘岳看花記取淺深紅樹揚
州何似南沙

方仲良家懷朗小齋卽席

藤花結葢紛珠纓牡丹如火山牕明飛飛蜂蝶送

含薰詩卷一

十

且迎隔墻小阮坐調笙車子嬌喉耳倍清翩然如
鳥求友聲就我索酒攻詩城公子闌入態縱橫五
言賦罷飛百觥作詩當留海內名美殺兩人翻水
成我懷屈宋空復情醉倒花間百感生

父病乞金陵楊孝稚覓獅子油

昔聞畫獅子病瘧可以止今聞獅子油病噎可以
瘳家君不能食夏杪經麥秋乍聞此方書頓破舉
家愁顧安所得此東西南北思悠悠爲子者旣不
得魏武之狸以生據其頭又不得波斯之產黃者

白者擇其尤家貧恨無東箭南金相市易異物殊

非遵山入水能窮搜中夜不能寐食不下咽喉側

聞金陵世家子先世嘗爲佐命侯玉門關外得白

澤氣吞虎豹威熊彪飼養之恩縱云厚山林之性

安能收得其乳藏玻璃盞取其脂秘蒼玉甌迄今

雖歷數十載治噎功與金丹侔疇曩與君飲酒舫

閣上君言是公鄉里交最稠侍側不得奮飛至馳

書百拜向君謀神仙大還君掌握迅速乞與無淹

留長江舟楫一日爲置六七郵調羹劑藥恃此以

含薰詩卷一

十一

爲祝噎之白鳩家君本屬无妄疾老天畀此當無
憂安得阿育柱上一聲吼吾當面向神物稽首求
飲天門太史唐赤子先生寓齋二首

寓公觥蟹酒招我度涼天月影下階白光承露

妍幾年窮易理垂老得真詮丹陛崇經學何當

進講筵

命達無心問年來更敏求管寧穿木屨杜甫客秦

州名士一來往謂程夔清秋自唱耐今宵醉僧舍

百尺愛高樓

呈琴川蔣太史

時寓表兄方麗山家

白華樓上挹芳芬
宰相門風自不羣
奕奕承家洵大器
煌煌華國有雄文
翻堦紅藥鄂君被
橫几烏絲韋陟雲
看向明鐙成麗句
恍如清樂九天聞

家君疇曩客長安
相國時通賓主歡
花鳥蟲魚注爾雅
文章禮樂補周官

承覲詩文書畫

即今公子人如玉

坐對儒生氣似蘭
轉眼門前堤更築
願將弱羽附高翰

得汪鑑漪書

時宰玉山

含薰詩卷一

三

甫離短檠便彈琴
治術猶虞諳未深
今日書來話民社
清時循吏愜人心

題周櫟園先生手書詩卷後

文章信有神
所神在感應
草莽豈無人
豪傑能自命
上無嗜好者
寂寞甘不愠
記昔順治年
三人廣陵郡

時汪人孫豹人家野人三先生號三人

意氣殊自豪

抱負有胎孕
學杜學韓蘇
逞奇立筆陣
廣陵繁華區
風雅無人問
三人漸白頭
鼎立託歌詠
聿有觀察來
大雅出天性
頰首對古人
開襟延後進
日與三人俱
飢

渴絕驕吝三人名
久著豈假博令聞
然而韓孟交

白鶴相呌喑相得
乃益彰前後光輝
映昨獲觀察

書學顏擅秀靚
五言詩二篇平淡
具蒼勁慇懃兩

詩人

汪孫兩先生

好句寫持贈
老夫懷抱佳都
向知己

罄至今將百年
交道無終竟
安所得觀察執鞭情

所任

廣嘲熱客

高軒懸寒氷
露井積白雪
一枕瑪瑙長八尺
瑠璃潔披髮不受簪
赤脚不繫鞵
蜩螗靜林喧
瓜李沁

含薰詩卷一

三

井冽此時無
一人生香四面發
尚欲追涼風
溽暑解六月何人當
暑來投刺走蹙躅
炎氣著須眉汗珠
上衣纈主人屏氣
迎客且盛周折不
任我裸裎不任我
啖啜我情已傲情
彼意彌渥浹生魚
遊於釜伸螻困於
穴大地本如鑪咄
哉倍火烈亦有忘
形友追涼枉迴轍
自謂心相親嬾慢
互娛悅入門去巾
帶當食隨陳設磅
礴無主賓揮塵恣
笑啞如此脫略盡
遠勝彼觸熱相對
豈不歡相處貴有
節我愚在澡沐漸
且思偃歇紅日已
西趨月或東南

此時可以歸刺刺胡不別余謂朋友交千載義
弗滅何可緣炎歊而竟絕締結然而放浪人往往
破羈紲况我實慢膚多汗易疲茶盃稍緩須臾高
秋共劇切若彼襍穢子終身合屏絕

食蟹十二韻

郡齋思有蟹居士嗜持螯見乞鄰家醋催沽市上
醪一盤乍如火四座總揶袍不羨烹雌美偏誇得
尺豪才攫胝無肢還求尻益高搜腸情正迫剝腹
勢何逃憂憂斯其脛津津艷彼膏婢僮任流沫口

金薰詩卷一

西

手漫辭勞足了願同畢不如愁似陶拍浮良已樂
歡興更無撓博帶黃雖遜尖團味竝叨放生笑坡
老如我太貪饗

秋陰見月

向晚猶微雨秋霽黯不開舉頭頻盼望叉手獨徘徊
頃刻浮雲淨當空明月來寸心如乍洗良夜把
深杯

賦得驚時最是梅

人園按芳序撩眼見新梅不覺嘉時報偏驚淑氣

催含香迎玉署點素接珍臺花趁東風發春隨北
斗迴穠華誰得占寒蕊自然開此地陽春早堪爭
賀喜杯

紅橋懷古

未隨司李飲香名吟到紅橋百感生一字闌干寒
食畫今年狡獪冶春情衣香人影猶如昨山色湖
光正放晴安得名流同作達醉憐鴈齒踏歌行

坡公生日尚懷宋漫堂先生

江左才華照眼新西陂幕下盛無倫吟詩記爲髯

金薰詩卷一

五

公壽願作秦黃十幾人

先生刻有江左十五
子詩中有壽坡公句

于今又是暮冬天翹首康熙卅九年安得畫圖懸
履笠小滄浪畔拜坡仙

江村食笋

青山對面水平堤叢篠行鞭欲坼泥入徑烹泉紅
雨暗穿林劇笋翠烟低琅玕碎削渾凌亂鹽豉初
調重品題明日再來叅玉版詩瓢酒盞總堪攜

送家星濤返豫章

又向南州去春風三月天綠楊齊照水白恰不柴

棉貝錦終無恙時磁政被鴻文自足傳停舟泊采

石應復夢青蓮巖過采石曾夢翰林授益云

和徐社山詠天窓

中霽肇淳古開窓今正宜冥宵披朗月暗室得朝

曦彷彿珊瑚底分明雲母爲漫同移壁計移壁廻窓見孫

樂詩只有天風吹

題汪秋白桐陰試茗圖

白晳風流似有鬚桐陰茶竈意遽遽前身合是玉

川子五千文字三椀餘

含薰詩卷一

七

天門太史寓齋晤廷尉張豈石先生

太史寓齋無雜賓早冬座上見偉人豪情久已雄

一世和氣更足留三春是年秋闈正選士樓頭俄

看落一紙戊午余已中第十三名以破中一字被黜時人皆歎文無憑

太史獨曰良有以歎歎忽逢偉人來揖罷便欲傾

樽疊聞道科名又失手憤鬱不覺顏色摧爲言制

義尚雅正雲謠波詭文之病六經文字醇乎醇此

事陶融賴情性拳拳下士意最深高談款語夜漏

侵詰朝更詣太史許帆影湘江無處尋

酬贈閔八蓮峰

小闢松篁徑幽人日日來奕棋無二等得句詠千

回兄弟非藍玉承贈句云有弟如聯璧夫君信碧瑰月明籬

菊放相約更啣杯

題韓仙李仙李蟠根圖有序

仙李韓大未生而父先一月沒其祖祝生男

子豫命名曰根定既生愛之字之曰仙李仙

李長而感祖考之皆逝爲繪仙李蟠根圖一

時名流咸題詠之余與仙李同學交厚披圖

含薰詩卷一

七

愀然因步周確齋前輩元韻得絕句四首

可憐淚冷懷清臺明珠未剖日日哀鐙前燒草夢

中卜惟恐生非廊廟材

生男可喜倍酸辛今日空房弔影身學語小兒休

喚父阿娘久作未亡人

靈根端賴養花天韓衆名高幾十年漫道易成琳

國種琳國玉葉李韓衆餌之因名見洞冥記太翁真是鶴林仙太翁見南

史

芹香昨已述前規尊公襄平先生爲江都文學仙李今輩聲真州將相功

名須早爲靄靄北堂春正滿錦衣來補白華詩

春日飲外舅碧桃花下

座有武陵道士

山谷論詩本謝公

外舅項思永先生能詩著有師善堂集

看花今日

醉庭東武陵仙客渾無事情訪續紛夾岍紅

到來卉木有餘清露泣花光雪樣明羽士漫誇會

見慣玄都未必與齊名

淮陰喜晤程比部夔州先生却呈長句

前輩風流今欲墜欲墜不墜有先生家庭側聞先

君子稱公譽望滿天京下交不肯遺寒品上交直

金華詩卷一

太

欲凌孤卿出聞天門太史言同年惟公冠羣英奇

書最愛百回讀佳士何辭三握迎友朋之誼足千

古指困惠麥鴻毛輕我父執友先生是疇曩投漆

饒深情公駐京華余少小歸來託慕常廻縈昨在

江南對江水日日夢見淮水清寤寐荊州思百見

翱翔李門纔一登憶昔西陂能譽士才人袞袞遊

蓬瀛亦有漁洋懸夾袋吾鄉名宿蜚有聲先生夙

負海內名大美端賴君子成兩人旣往風流歇南

國瞻望惟文星立雪坐風無限意願將巖穴附青

雲

賦得芳菊開林耀

商飈肅曠野衆草不爲芳誰歟發華滋菊叢獨繁

昌寂寞在籬落鮮新對秋陽葉不爲人綠花能作

意黃抱貞擢羣蓋含秀開晚香冷蝶亦知已翻然

來飄颺青松紅樹間但覺生意長願言託杲日不

敢怨疎霜

午日奉陪琴川蔣侍讀汎舟韓江

艾綠菰香競渡天宮衣閒着上江船花時記得醺

金華詩卷一

尤

婪尾迢遞春風已五年

漫將歌舞侑天中學士詩逾萬楚工况是繪來蒲

葉綠便娟不減石榴紅

是日承賦詩畫

台星今日過揚州文酒相從紀勝遊不是水嬉人

不戀齊看陪汎李膺舟

題從父仁趾先生詩集後成一家言

弱冠慕古人詩書研幽獨老成一家言自號樵貴

谷

先生刻有樵貴谷集行世

鄉里結素心幾輩日唱喁

時江舟次蛟門孫豹人家野人諸先生唱酬處

密
風流王漁洋開軒揖詩友

聽翁以盲老

謂族父闕次先生

先生爲飢驅長安驢背上

名士來相於

生當兩戊寅吾兄亦下世掩面向薊雲更屑眞州

涕

先生年六十一得仲子阿強集中有示阿強詩先君子入都攜之南歸繼眞州子蕃從父後今沒矣亦

題家蓮洲別墅

築將萱圃屋東頭日日朋來屐齒留最愛一門羣

從好板輿花下會賡酬

含薰詩卷一

三

雲籠樹杪來禽熟柳暗門前謝豹啼恍似故鄉春

晏景踏歌攜酒度前溪

含薰詩卷一

含薰詩

眞州 吳楷 一山著

象文自歛來話家鄉事

我本溪南人不識溪南路春初族孫來娓娓向我語吾家統宗祠高大孔堅固始祖尊中堂高曾寢廟耐松柏大十圍枝葉勿剪除堂堂墻屋中穆穆神靈聚一本分衆支立廟若碁布制不偏統宗規模罔不具廟奉厥支祖若考若妣附主列東西室奇偶不參互諷日明祀事子姓滿階阼肴核備且

含薰詩卷一

一

潔威儀敬無數千人齊拜跪三獻肅禮數鐘鼓迎神來神來如目遇致告寂醉飽和悅無愆忤尊先卑者後次第受神胙豈無梁肉人孰敢或驕倨越日祭支祖孝思允亦著他鄉輕邱隴吾里重墳墓有唐迄於今不有崩壞慮山頭塚纍纍既封亦已樹碑碣剔苔蘚屹然立不仆煢獨缺祭掃人人爲保護耕種既習慣詩書尤饜飫中邨立講舍文學斯得與子弟有遵行先生急先務孝弟乃本性糾繩况不恕以故麻中達信得直者助薰陶無惡習

漸摩近秉賦不惟風俗佳山水自成趣東疇苗如
油西隴雲如絮星橋幾十丈時滿遊人屨在昔枝
指生詩篇洵可據樞也象文名揚州歸欣喜來道故
各攜一壺酒歡不間童孺不覺留數月低徊弗能
去噫余聞此言佳哉愜所慕維揚我族人林林亦
既庶胡不瞻桑梓相與步亦步悠悠我所思豐水
清漣處

坡公生日集同人限蘇字

遠望蛾眉巔近瞻蜀岡隅不獲親見公但讀所著

舍薰詩卷一

二

書今日公生日公今安往乎或言公已仙仙人竟
何如跪進一觴酒臨風長歛歔假令生同時後學
借吹噓蒼蠅附驥尾一去千里餘乃隔數百載對
像懷衣裾一室聚詩人徒抱心區區寒葩發奇香
越旬歲云除會登平山堂再拜薦屠蘇獨享復何
愧一笑掀髯須

謁孔北海祠

皜皜比質玉與霜高情直志誰能忘今來肅拜登
斯堂客去酒空清風長天子千里嚴畿疆登辭使

操背負苾慮鯁大業嗾山陽謂紇慮終操但爲周文
王畢竟賴公崇國防一介之善公必揚表顯儒術
舉賢良海內聞之心寫藏今從何處追芬芳千鍾
百觚興未央無以薦公羞一觴

奉謝業師馮少司寇薦舉鴻博

八十尙書解愛才東南風便薦書來已羞落羽同
錢起剩有斑衣學老萊桃李有心依玉砌蓬蒿無
分植瑤臺欣逢大樹垂清蔭腸對江流日九迴

送硯詩并序

舍薰詩卷一

三

小硯余所愛也姻家許靜涵別駕見而愛之向
余索不獲作詩求之余重其意又惜硯之去也
作送硯詩二首

自從來几席終日對輝光月夜烏絲麗秋風墨瀋
涼棘闌耽試筆著室慣依牀此去朱門裏榮分印
綬香

生去豈不惜憐生去有緣文章宦海濶詩句帝
城傳貯水心同潔懷貞德比堅琅玕須自重遠勝
草堂前